



薛考功集卷第五

卷五

中亮薛蕙君采著



五言律詩

藥室詠六首

山階穿藥井石室置丹爐壁掛三天字函封五
嶽圖仙人邀對酒玉女伴投壺但逐雲霄去無
論日月徂

寂寥花水上結構羽人廬窓戶生雲閣松杉映
月虛犬靈因試藥鶴老解窺書長揖當塗客榮

華不可如

春院焚香處
晨關却掃時
綠綈裝古帙
白石種靈芝
招隱劉安賦
遊仙郭璞詩
蓬萊多舊侶
題字問相思

自知靈氣舊
轉覺道情新
露濕星壇夜
泉生藥院春
青泥含石髓
丹焰起龍鱗
若得金沙就
還須贈所親

棲息那云僻
芳菲已自多
跡應無客到
景復有春過
戶內三青鳥
花間五色蛾
傳言遠遊子
不

必向山河

移牀開藥籙
鍊玉閉丹房
五石終朝轉
雙瞳歲方壺
中能駐景天
上任飛光永
得長生術
將留不死鄉

臺上

臺迥通風榭
窓虛近水城
卷簾殘暑去
携手晚涼生
碧樹藏雲暗
銀河度月明
醉來愁鬢只
作畫中行

水亭二首

路引水亭出舟行沙岸廻使君携客至歌伎逐
人來檻底鷓鴣舞窓中齒齒開風光莫相負長
日且啣杯

中流放輕舸極望何青青宛轉遵蘭渚黃綠到
水亭簾櫳圍樹石堦砌列烟汀緩坐留斟酌長
歌間醉醒

邯鄲館中

門對罽毼靜城臨睥睨斜愁人倚高閣清夜動
悲笳月暗雲生葉風寒露作花徘徊望牛斗

辨京華

北征

地闊塵沙外天寒霜露中燕雲常少日朔氣自
兼風夢斷南樓鳥愁隨北向鴻淹留憶攀桂幸
苦歎飄蓬

昭王臺

燕昭無故國蘄野有空臺寂寞黃金氣淒涼滄
海隈腐儒終報主亂世始憐才回首征塗上年
年此地來

九日同何仲默出郊

九日登高會同人載酒來寒城一以眺秋色正
堪哀零雨晨初霽浮雲午未開南飛有鴻鴈爲
爾立徘徊

駕出南郊

青鳥南郊至蒼龍北闕來遙傳仙蹕下正覩紫
微開倒景中天館叢霄上帝臺從臣多獻賦誰
似子雲才

駕幸南海子

詔幸芙蓉苑傳言羽獵行三驅陪上將四校出
神兵列戟圍熊館分弓射虎城風雲日暮起偏
遶漢皇營

春日禁中遇雪

紫禁春朝雪花飛彩仗新霧交隨雉尾風引避
龍鱗掌濕金人立窓寒玉女顰翠華沾灑處遙
憶屬車塵

元夕興隆寺觀燈

燈火金仙閣丹青綉佛筵叢林開寶樹大地出

紅蓮梵鏡含明月天香雜彩烟諸公共隨喜吾
醉欲逃禪

送劉子緯病歸

鄴下劉文學成都漢長卿淹留卧病意蕭洒著
書情賓客頻頻去風塵轉轉生天涯雙淚眼回
首送君行

送周侍御

閩越三山外東南八郡遙寒帷向絕徼攬轡下
中朝風起江潮動霜飛瘴霧消九重思諫諍

日上雲霄

送李儀賓

漢殿朝正至燕京送客迴春風兔園路歌舞鳳
樓開綠水清冷閣西山鼓吹臺宋中詞賦地他
日好歸來

海棠畫扇

西蜀繁花樹春深亂藥紅還憐彩扇上宛似錦
城中影轉團團月香含細細風江淹才力減賦
爾若爲工

江淹有綵
畫扇賦

病中何仲默蔣子雲過訪

何人顧寂寞盡日少歡娛慰藉煩知已拔留強
病軀濁醪來近市野飯出中厨珍重交親意艱
難愧腐儒

送徐中夫令南昌

孺子躬耕地諸孫邑宰時承家在爾輩高士亦
吾師山坵洪崖井江深許令祠縣齋臨絕境未
可廢言詩

贈董應期待御

同時多逐客而我獨憐君棄置勿復道淒涼不
可聞風波一流落江海遂離分他日書相及常
因西北雲

荅王允升省中對雨見憶之作

康樂愁霖唱平原苦雨詩故人歌此曲贈我慰
相思薜荔垂青閣芙蓉汎綠池今朝一樽酒最
恨不同持

送毛敬父之廬州

北峽吞淮口東陵控海隅霍山分岳鎮肥水混

濡湏從事之官遠觀風問俗殊廬江多小吏應
候府中趨

望湖亭

陰磴穿雲上天窓綺霧中蒼茫玉泉水指點翠
微東坐石牽蘿蔓攀崖懣桂叢何當避炎暑几
杖待秋風

石經寺

翠巘雙林合丹梯一徑懸洞門臨地底石室與
天連文字開龍藏金銀布梵筵茲山實靈異吾

欲託棲禪

送蔣國信之桐鄉

始對賢良策登科遊漢京俄分尚方履出宰臥
江城余憶東南美長懷山水情湏君為地主早
晚越中行

七夕集廷獻宅

秉燭開秋宴更衣坐晚涼雲霄降帝子詞賦接
仙郎月寫蛾眉色風傳玉佩香慚君有妍唱欲
報不成章

七月十五日夜對月

嫋嫋涼風夕紛紛零露時秋來看明月風露已
如斯况對西園酌兼懷康樂詩山中有桂樹今
夜足相思

道院秋日海棠

偶來仙館內花萼滿枝紅彷彿看珠樹玲瓏
藥宮預傷白露下坐惜綵雲空躑躅攀條
久不可同

宴故英國公山亭即

文皇帝賜第

果第君王賜西園賓客來將軍元好士公子復
憐才玉袖花間出金尊竹下開還須明月上莫
畏夕陽催

送戴長史

詞臣漢廷出邸第魏王開地即清漳郡人同鄴
下才月中遊桂苑風裏宴蘭臺宣室如相訪長
沙去復來

八月十五日夜同諸友翫月

樓敞含風氣筵開墜露文月從今夕滿秋向此時分影濕當銀漢光斜隔彩雲徘徊接新詠况是鮑參軍

書省內壁

終朝謝文墨嗟此簿書繁日宴高齋靜風來寒鳥喧倦遊傷歲序多病憶田園何事成滯微官豈足言

雪

時車駕北狩大同

北極關山濶寒冬雨雪來霧沉玄菟塞風繞白

龍堆胡虜猶深入征人且未回遙思穆天子黃竹有悲哀

訪雍上人

冬日自虛寂東林地更偏經聲行處近燈影望中然殘雪明花苑寒雲蔭石筵祇應休澣暇來此暫安禪

梅日夜集

晦日歸休晚良游惜後時卻判長夜飲更賦早春詩雲霧窓中入星河閣上垂何須花與月行

樂始相宜

答士奇

能來駐車轍不待拆書緘上客同王粲貧家似
阮咸清談對雲竹緩步倚風杉安得盈杯酒今
朝共爾嚼

同士奇子雲飲

春風吹酒杯花鳥更相催惜此留連坐判成酪
酲迴安能自結束聊復共追陪今日不爲樂流
光去若頽

招廷獻子雲飲

廢書多病後抱杖獨行時晚日添花蕊春風積
蔓絲物華空爛熳心賞每參差遲爾來同醉能
無酒一卮

春夜過時濟飲

露淨開樽處天青斫幘時素雲將月上香霧任
風吹爲樂常苦晏含情復待誰徑湏成一醉莫
遣酒行遲

夏日遊道觀

隔竹窺丹洞臨池坐碧沙玉拌盛石髓翠籠貯
雲芽展簾來風色吹笙上月華休論河朔飲詎
似醉流霞

陳真人館中賞荷花作

別館瀛洲麗新花苗苗香紅衣迷日色翠蓋寫
波光雨過金塘濕風生石檻涼客來脩竹下回
首見瀟湘

仲夏即事

林卧采芳草今朝鷓鴣鳴悠悠觀物化默默感

吾生老大慙聞道空虛耻近名沉吟日云暮搔
首獨含情

江中四詠送黃日思韻限本題同諸公作

江霞

春江變氣候孤嶼發雲霞散影搖青草流文漾
碧沙紅泥迷燕子丹洞失桃花水宿淹晨暮應
憐謝永嘉

江雲

謝客弄春水江臯生綵雲紛紛初散綺葉葉漸

成文蔽日皆相映流風乍不分何因可持贈欲
以慰離群

江花

百丈牽江路行穿夾岼花時憐一水曲遠愛數
峰斜林下見垂釣溪邊逢浣沙武陵如在眼髣
像羽人家

江猿

舟行轉江峽處處響哀猿極浦雲方合連山雨
正昏接條時自挂飲水復相援不待三聲燕先

傷游子魂

六月八日西關遇雨

窈窕西清內參差水殿連歸雲向平樂飛雨集
甘泉明月裁班女迴風唱麗娟龍池初望幸來
往木蘭船

落日

落日掩書卧荒庭起獨行回看太虛上窈靄動
秋聲寂寞抱真蘊飄飄遺世情白雲不相識何
肯入前楹

寄何仲默

久別憂成結書來不解顏
開緘未讀半攬涕望
秦關簿領余方倦馳驅君詎閑
相將保玉體去
去入名山

九日遊興隆寺

厭就騷人會欣投釋子家
林風鳴貝葉徑露濕
金沙宴坐依雙樹清齋服九華
晚來歸客倦欲
借白牛車

晚過仰之置酒

燕京久爲客秋日正思家
不忍聽鴻鴈相尋醉
菊花空庭餘木葉短褐滿風沙
同病今如此酣
歌惜歲華

晚坐有懷

落日照簾櫳寒城烟霧中
銜杯對衰菊流目送
歸鴻未覺賞心廢但驚親友空
遥遥此時恨萬
里託秋風

對雪

庭雪曉逾鮮鈎簾興渺然
紛紛墮花絮裊裊亂

風煙悵望游梁賦
沉吟憶戴船
佳期每遼濶
留恨閱芳年

謁茂陵祀孝貞太后

一棄東朝養千秋
不復歸夜臺
長寂寞
月殿少光輝
野露棲金盃
山風動玉衣
茂陵多碧草
春日自芳菲

功德寺

憶昨宣皇帝
西方結勝緣
莊嚴修佛土
功德施人天
龍象山開闢
金銀地接連
傷心萬歲陵

谷尚依然

蕭氏園 二首

麗日方春暮
名園更水陰
葱蘢花滿徑
迤邐竹成林
不見川原盡
祇愁雲霧深
向非霑醉後
幽絕恐難禁

徑狹褰裳處
川平伏檻前
華林一何麗
碧水復相鮮
魚鳥方堪狎
纓綉頓可捐
居然謝塵垢
不待濯潺湲

送馬伯循 二首

弱歲來京邑已聞之子賢長懷慕先達詎意竊
同年咸激深相附逡巡只自憐如何復爲別瞻
望益茫然

城隅飲餞地日暮朔風吹征鳥不返顧浮雲相
背馳踟躕意何極嘆息涕空垂世路今如此焉
知後會期

重游蕭氏園 二首

別此真如昨重遊換物華粉滋曾倚竹紅淺舊
看花沙阪繁林岫山籬逐水斜城南咫尺路未

覺往來賒

野靄橫蘭徑泉聲落草堂丈夫修鴈繳童子護
魚梁釣弋亦堪老風塵綠底忙淹留不忍去日
色晚蒼蒼

歸別業作

五載去京國今來歸舊廬林荒巢野雀徑毀蔓
園蔬意倦風塵際身危疾病餘多慙久懷祿牢
落此田居

扶策

東風解娛客往往慰幽栖扶策循蘭徑流鶯逐
我啼青莎已齊葉紅藥始含萸昨覓隣家酒今
朝聊可攜

西齋

西齋休憇地永日卧書帷燕舞隨風絮鶯啼集
露枝病因閒自療春與醉相宜却悔牽行役年
來忽去茲

郭外

郭外平蕪迥溪邊小徑斜客行迷野竹鶯語隔

林花多景每難遇孤遊還自嗟佳期竟何許脉
脉向春華

西園對雨

漠漠春陰黑連朝卧小園野花川上落水鸛雨
中喧衣袂身猶冷看書眼欲昏不堪逢寂寞倚
仗有清樽

酬惟喬贈巾

野巾初着日心賞竟朝曛試正行窺水從歌卧
看雲坐翻嫌月露出每避塵紛顧影還相笑風

流媿使君

酬惟喬惠鹿

憐此園中鹿君侯贈野夫塗艱常近患物雋益
妨軀林藪空相憶藩籬坐自拘忍甘充玉饌願
爲束生芻

泛溪

避暑清溪曲舟行路不窮詩成孤嶼上酒盡夕
陽中綠竹含秋色紅渠送晚風歸來就明月移
棹水雲東

秋夜

西園秋漸好晚眺倚山扉鶴語風生竹螢飛
滿衣乍憐幽意愜翻恨賞心違延佇空林下中
宵獨未歸

別墅即事

丘中輟耕牧挈杖返衡門落日茅茨暗秋天禾
黍繁隣人送卮酒小婦具盤飧念此信爲樂悠
然懷故園

秋日溪上

何處窺秋色
寒舟入水隅
清波照鳧鴈
寒露洗菰蒲
促迫悲生事
登臨快病軀
由來野人意
終日羨江湖

九日顏子攜飲西郭

九日愁空卧
西園喜並游
閒居同栗里
置酒得荆州
樹擁樓臺出
雲隨鼓吹浮
不辭重落帽
短髮自堪羞

新館

荆門樓閣處
白齋冬
桃初
次
失臨
園
近
新
竹

庭踈素心已澹泊
絕學轉空虛
非關選幽勝
偶此寄吾廬

晚過鄰叟

野外歲陰早晚色
正霏微
石蘭向風靡
海鶴犯霜飛
投策暫云憇
采苓方未歸
幽人已相候
隔水啓荆扉

環堵

環堵郊墟外
衡門野道邊
林昏罷風夜
月白欲霜天
落魄隨身世
棲遲失歲年
平生有微志
今

已愧前賢

不寐

一榻微寒入山房夜未扃凝思天籟發不寐谷
神醒本自淹衰疾何堪役性靈列僊如可學吾
欲駐頽齡

丘中

返照丘中路孤烟水上村野田荒蘚色沙岸落
潮痕日短贖書卷天寒頻酒樽定知無客到不
必掃柴門

原上曉望

平原搖落盡極目見寒空初日煙塵外滄波盡
衣東孤芳遺雨雪高鳥下天風俛仰無相晤長
歌思不窮

負郭

負郭茆堂小臨溪竹圃斜山樽攜野客魚網曬
鄰家荒徑封殘雪踈籬透晚霞預思春到日著
處種桃花

晚步

落日滿平蕪風煙似畫圖空林助鳴鶴遠浦失
歸鳧白幘狂猶岸青藜倦自扶歛思酬物色佳
句未應無

寂寂

寂寂多相笑悠悠畧自諳謀生只如此經國更
何堪偃仰身微健踈慵味頗甘敢云忘魏闕正
爾戀江潭

贈顧英玉時請許州過毫見訪

殘冬江北路寒苦共金鞍
騶馬行來遠凌波別

後增劍匣餘紫氣玉珥有青蠅世故多堪惜因
君重撫膺

漕河舟中作

悠悠漕河水今日更遄征敢議占時出祇言狗
祿行田園違宿昔軒冕累平生緬憶高賢跡選
迴何限情

元夜諸公會不赴

九陌帝城中煙花繞漢宮銀河流夜月火樹煖
春風衾枕憂如昨軒車恨不同時聞玉珂響寂

箕卧墻東

送南元善守紹興

傳聞會稽郡清絕擅三吳水竹深蘭渚雲峰滿
鏡湖論交媿連壁出守羨分符時有東南使新
詩未可無

文徵仲蔡九達初至都下會飲興隆寺

王直夫館中分韻得涼字

把燭尋山徑開樽掃石堂風流初邂逅露坐轉
清涼竹樹寒雲色花林宿雨香高談真絕倒無

暇問津梁

送朱侍御之南臺

不謂雲霄去能為江海行知君古人意非是厭
承明出國仍簪筆憂時未請纓他年有封事更
覺見平生

同大復避暑寺中

携客東林院涼宵掃竹亭龍珠寒露殿寶樹影
雲扃聽法元清淨觀心自杳冥坐中餘爽氣虛
對北山青

王明叔東谷卷

谷斷懸山閣崖通度石橋日蒸滄海氣霞動赤
城標雪壁花先映霜嚴葉後凋空題招隱曲悵
望隔雲霄

玄明官後圃石山

出郭仙城近探幽福地遙珠林行窈窕錦石上
岿堯雲裡仙人酒山中玉女簫蓬萊去何許東
望海邊潮

二月八日趨事山陵出郭有述

出郭雲沙靜迎人谷鳥喧春行趁風日野望極
川原山翠晴偏近林芳暖欲繁登臨吾所好幽
興忽飛翻

行次陵下

澗圻歎金岸峰迴轉翠屏園陵何鬱鬱氣色但
冥冥天外雲長白山中草自青徘徊踐霜露愁
一叙仰巖扃

祀歸作

始驗靈風集俄瞻紫氣遙玄宮罷歌吹玉佩散

雲霄仙馭紛皆逝
天香宛自飄
青山悵回首
松栢轉蕭蕭

晚憇玉泉寺

看山興不輟
落日有餘情
稍憇中林宿
猶攀絕頂行
風泉晚逾響
松雪夜微明
長嘯雲岑上
飄蕭白露生

泛舟二首

別館初停騎
橫塘更泛舟
蘭芳滿南浦
翠羽覆春洲
落日明漁火
微風引棹謳
今朝泥行樂
那

減習池遊

水口移舟入
煙中載酒行
渚花藏笑語
沙鳥亂歌聲
晚棹沿流急
春衣逐吹輕
江南采菱曲
回首重含情

直省中懷浚川

寓直深春日
端居薄暮時
鈎簾看紅藥
隱几聽黃鸝
省署容吾病
風塵懷我師
憂來對明鏡
不貸髮成絲

送樊侍御孝甫奉母東歸

狂下隨親去廷中得賜歸日斜烏鳥急春煖鳳
雛飛煙草迷駉馬風花逐繡衣都門望行色垂
淚戀庭闈

寄孫山人 二首

吾憐孫處士萬里狎滄波海色占龍臥天風聞
鳳歌誰言竄身遠尚畏取名多相望冥冥外虞
人柰爾何

有客今何事江邊采日華行穿四明雪坐對赤
城霞中散寧爲吏梁鴻不顧家思君入吳會築

室鍊丹砂

道院看牡丹晚際遇雨作

把酒未成醉恍然驚暮寒薄陰含錦樹片雨濕
朱闌霞妥青絲佩風搖赤玉盤微芳恐銷落珍
重卷簾看

對雪

天外匿寒日雲邊韜曙霞風吹玉山雪飛滿謝
公家隔簾評行月拂檻認飄花方持一樽酒酣
飲荅年華

詠新竹

娟娟階下竹新綠漸氛氳石影生寒氣沙光滴
露紋芝蘭聊可品桃李自難群不待風霜日蒼
然見此君

山亭

西園禁垣東涼生暑漸空小池盈宿雨叢桂易
秋風獨鶴窺雲際幽蘭思露中來遊行樂地不
惜醉山公

次韻酬孔汝錫

多君金馬客就我竹林間對酒頻移席論文一
解顏詞臣飜補外野老合投閑穎毫殊相近詩
筒約往還

余有洮溪硯乃孔汝錫所贈者每懷其人因成斯詠

閒居無一事雅好獨斯文每拂洮溪硯因懷關
里君題詩情款曲揮翰思續紛憑寄關西使何
時到隴雲

李子西送佛頭青花得自永寧王宮中

蓋牡丹之殊異者喜而賦詩且改名爲
萼綠華云

故人真好事爲我致名花書寄夷門道春來帝
子家玉肌名素雪翠袖影青霞合避金仙號更
名萼綠華

春日宴集

連騎遊南浦方舟汎綠波日華雲際薄春色水
邊多蘭渚容罇俎花林映綺羅袂除期亦逼奈
此宿醒何

閱世

脫死風波路偷生鳥獸羣賦材元散木閱世只
浮雲聖代慚無補衰年幸有聞狎狂堪卒歲不
必草玄文

謝文徵仲寫金剛經

齋沐開經卷名香手自焚天人遙作禮鸞鳳鬱
成文心印傳先佛書林擅右軍殷勤謝良友何
日訪停雲

停雲徵仲書室名年來屢
有命駕之約因循未果

晨起

童子掃園徑山禽花外飛青梧
裏宿露紅槿麗晨暉多病志
意減閑居賓客稀今朝惜清景
偶此一沾衣

玉簪

澹泊宜開晚紛敷喜在陰秋風
一披拂花萼正蕭森比玉幽人
操懷霜烈女心淹留玩芳草聊
用謝華簪

紫薇

紫薇開最久爛熳十旬期夏日
逾秋序新花續

故枝楚雲輕掩井蜀錦碎參差
卧對山窓下猶堪比鳳池

牽牛

冉冉朝華密翻翻露葉新乘時
方巧笑移日已含顰感興悲微
物傷心泣小臣浮榮甘夙隕仍
作飯牛人

鷄冠

陋圃乏奇樹凡花充藥欄職司
愆夙夜名品濫衣冠俛首同尸
素輸心異渥丹一鳴猶不易五

德亮應難

菊花

蕭條暮秋日三徑有黃花不借東風力宜栽處
士家侵陵任霜露泪没儘泥沙自恃真堅性悠
悠閱歲華

九日周守宴集

九九欣嘉節仍嗟歲月催郡齋高宴會野老忝
追陪聯句揮彤管吹花捧玉杯山公愛留客日
暮未能迴

觀舞

妙伎出秦中纖腰學楚宮翠帷低舞燕錦薦踏
驚鴻宛轉歌相似嬋娟態不同無因逃酒去懊
惱白頭翁

夏日即事

宿雨池塘滿薰風草樹多鳥飛衝落絮魚沒翳
新荷釀酒供斟酌吟詩當笑歌田家耕種日間
巷少經過

暮春

春光垂晚暮天氣轉清和遲日增花萼微風罷
水波拋書常懶讀得酒即狂歌看取星星髮今
年又校多

次韻臯徐遠卿侍御三首

世家傳孺子儒術邁楊雲遠紹宣尼業旁摹柱
史文侍御作述文類老子故云蘊真安可測摛藻已難羣欲
報瑤華贈春林尚未芬

使節還天路幽棲阻澗雲神交承問訊心折阻
論文蚤歲頻求友孤蹤久離羣尚慚同臭味

此襲餘芬

蚤爲多學誤筆墨擬淵雲晚悟無言訓筌蹄廢
藝文絕音難偶俗良友不同羣歎息幽蘭意無
人祇自芬

次韻蘇允吉侍御臺中四詠

烏府新承寵瑤臺別故羣緩行簾外入清唳枕
邊聞藻翰經題品高軒擬見分蘇耽真愛汝何
啻附青雲

右臺鶴

日到此君側都忘案牘勞幽居懷濮上允吉歸

思滿江臯鳳鳥春應至琅玕綠漸高徂徠舊賓
客詩酒定誰豪 右園竹

玉蕊憐傾國金瓶爲洗粧凝脂何太白沉水坐
無香脉脉含多思紛紛妬衆芳遙聞東閣詠髣
髴對清揚 右瓶梅

後圃盆山麗當軒畫障橫蟲穿嵌竇圻雨漬古
苔生剩倚雲根卧難尋鳥道行高文一引重列
岫可爭衡 右盆山

寂寂

寂寂對春風無詩賦惱公方慚同繫馬未暇擬
雕蟲得意多言外歸心半偈中拈花聊一笑果
信色成空

村居

寂寞村居僻荒蕪草徑深飛蓬來曠野啄木響
空村薄暮聊凝望青江正苦吟此生甘落魄自
笑果何心

七夕

七夕新秋節雙星舊會期鵲橋貪渡早鳳杼畏

老功集卷五
三十
拋遲月下聞仙佩雲中望翠帷長門當此夜定
自泣蛾眉

對雪懷孔汝錫

美人一為別勝日輒相思獨對山齋雪遙懷瓊
樹枝置書常滿袖枉駕竟愆期寂寞罷琴酌空
吟招隱詩

薛考功集卷第五

薛考功集卷第六

考功郎中毫薛蕙君采著

五言排律

送周子賢按貴州

萬里牂牁路炎洲百粵南懸梯穿鳥道流沫下
龍潭赤坂黿鼉出玄崖日月含虹霓蒸海氣煙
霧灑春嵐飛獮綠篁竹垂猿墮石楠橘花香細
細藤刺綠毳毳嶺外青駝馬臺中白筆簪秦冠
高鐵柱漢節照金函行邁應多暇登臨素所耽

老坡集卷六
江山吟謝客物色助清談送遠都無緒憂時且
不堪安危廷諍地遲子促朝參

飲何太僕答贈

金馬樓方朔文園卧長卿何人今繼作夫子早
知名曠世同諧遇憐予似弟兄羊何叨倡和王
蔡忝逢迎酒縱連朝飲詩留向夜成扳歡意不
盡真見古人情

送許御謫定州

志士宦不達千秋同一時今看許夫子竄逐使

人悲才大元相誤名高只自危恓惶千里曲悵
悵四愁詩北望關山阻南飛羽翼垂平生懷感
激送爾益懷其

送劉長輿

劉子今年少文章歛老成青春動才調摠角已
聰明父黨同交輩前賢畏後生翻然兼鮑照不
啻似陰鏗歷代流傳體千秋著作名詞場予有
託他日爾橫行

寄題延陵吳長史山居

魏苑芙蓉沼梁臺脩竹園徐陳游上國枚馬託
名藩歌賦從容地追隨優渥言病來謝賓客歸
去卧丘樊巖穴仍招隱風塵稍避暄山疑七里
瀨水似武陵源背渚排江閣迎峰架石門波瀾
全枕席彩翠落琴尊鴻寶傳遺術離騷念舊恩
秋風懷帝子春草憶王孫勝事幾人共賞心千
載存相思隔雲外挂樹屢攀翻

游天壇沈道士館得登字

屢憶真地秋來興可乘仙人偶相約才子使

同登晚日餘煙霧涼天減鬱蒸金莖生片露玉
井濕殘水水對瑤壇直山圍翠樹層靈宮七綵
帳深殿百枝燈過澗窺泉脉攀崖步石稜雲扶
上縹緲風引入凌兢浪喜追遊並猶慙作賦能
醉中操翰墨應仗酒如澠

過魯山禪師故院世傳師講經雨花因

題斯句

昔聞魯山子此地講經年長者開精舍門徒聚
法筵上方迴錫杖高坐發香煙指點楊枝拂翻

披貝葉編辯才超正覺慧照破冥筌解脫周塵
界光明徹大千山川震十地龍象見諸天梵樂
流雲下靈花蔽日懸我生惟率爾彼岸轉茫然
學道慚餘齒尋師負宿緣繩床無虎卧畫壁有
蟲穿隙網垂銀樹陰苔綴石蓮神燈風已滅仙
鏡月空圓隨喜垂三會含悽向四禪真乘仍自
蔽疑義竟誰詮稽首西來意非公那復傳

送劉遵教赴河南僉事兼河北兵備

暫輟臺中妙兼分閩外名兩河開幕府萬里作

長城卻穀真堪帥穰苴本善兵追奔立表待傳
檄據鞍成盜賊空三輔州塵掃北平閭閻無夜
警部曲有春耕風勁吹龍角雲輕抱翠旌遙占
猛將氣偏逐使君行

寄崔內翰

病起身仍健秋來興不孤心情那可減肺氣欲
全蘇蟻穴依床席蛛絲織畫圖寨帷窺物色倚
杖理荒蕪撥悶憑詩卷忘形付酒壺昔賢遺軌
躅餘力誓馳驅良史傳經術高才繼典謨赤鯨

凌海水翠鳳上天衢仙籍通群帝文星近六符
馬遷漸實錄劉向謝醇儒玄覽來神契冥搜入
奧區蓬萊披琬琰太乙下虛無顧我惟書肆知
君類說郭憲章崇闕里辭賦隨鴻都東魯宮墻
闕西京戶牖殊百家流汜濫六藝混泥塗未覩
崩頽振深思筆削扶飛騰愁失墜衰颯迫號呼
落落親朋遠悠悠歲月組提携如有分終願託
微軀

寄何中舍

翰墨何顛顛英靈有屈伸千年關氣運一代出
精神夫子興篇什聲名動縉紳波瀾含詭譎刻
削露嶙峋李杜那堪數曹劉不足陳無人宗大
雅舉世擬凡倫文學元同列風騷自有鄰新章
標創始舊例起湮淪已覺空前輩懸愁絕後塵
價卑皆咄咄力怯謾逡巡綺麗才難並湛冥道
所珍逍遙歸母氏杳眇入天人霄漢心常遠神
仙意獨親緒言存著作大業負經綸蹤跡升
隔交情契合真過逢頻下榻離別據沾巾去國

仍初服還鄉似昔貧丹房天上藥酒肆世間身
青嶼辭通籍滄洲憶問津儻逢桐栢隱訪爾故
山人

北狩

秦皇巡海右漢武幸關東昔悵千秋跡今看萬
乘雄期門陳後苑清道出離宮霧遶旄頭黑塵
翻豹尾紅天營屯斗極御氣下雲中射獸闕支
雪焚山瀚海風繫纓驅雜虜載筆扈羣公此日
燕然石長刊北狩功

寄范處士

萊子不肯仕榮期豈患貧絕塵今莫嗣高尚爾
為隣抗跡違紛競和光異隱淪顛鵝見生理鷗
鳥會天真栖息丘園曲行歌湖水濱白雲無盡
意滄海自由身放曠欲何極沉冥難可親薄游
已從告去去逐幽人

賦得張公洞壽吳封君

羽客尋僊地靈丘開洞天雲根宛自裂風穴遞
相纏合沓藏丹磴玲瓏散紫烟珠林秋不落赤

老功集卷六
十一
日夜長懸鳳吹俄云去龍車豈再旋福庭還似
昨真氣獨蕭然石圻燒金竈苔荒種杏田非公
復棲遯闕寂此山川

除夕作

日夜遞無隙此生行且休即看寸陰戢遽惜一
年周夙昔好棲遯至今仍倦游衆皆嗟晚暮吾
獨事淹留天地兵猶滿形骸病未瘳欲從吳市
隱尚抱杞人憂偃息信爲愜功名非所求河清
如可俟徒願老滄洲

閒居作

拙薄效從宦孱羸希代耕終然塵省署且復返
柴荆出處詎從道浮湛聊任情病多甘廢棄枝
短息逢迎越海慕康樂游山懷尚平何時果林
壑偃仰遂吾生

至日寄都下舊游

歲杪迴陽候天涯思客心關山愁裏潤雲物望
中深卧疾妨朝隱歸田分陸沉盤桓寧自負衰
謝苦相侵有志悵伊昔無成嗟至今未能通一

藝詎解惜分陰在蕚看窮律蕭條對故林蓬蒿
滋戶牖霜雪壞衣衾失侶方離索迷塗更滯淫
因聲青瑣舊聊代白頭吟

歲暮田居寄子雲希尹

踈散棄簪裾歸休依井閭自知非宦侶雅意是
閒居伐木構新宇種苗開舊墟踟躕寄農園出
入偶樵漁歲晏風霜早田家耕穫餘空墻懸未
耜敝篋貯詩書談笑過隣父喧呼避里胥綻衣
添敗絮酌酒爨枯魚揚子貧猶在稻生懶未除
鶩駘忘增蹠落羽謝吹嘘嘿嘿寡同調悠悠無
起予近來思二仲相念復何如

庚辰八月謝病南歸奉寄王浚川先生

三十韻

聖代弘文運詞臣作頌年聲明增潤色藻翰鬱
聯翩側席思今上登朝集衆賢儒林卑漢武雅
道復周宣後進爭談藝諸公蚤並肩風騷各自
命碑版竟誰傳王子吾師表名家爾最先過都
驚汗血切玉辨龍泉西掖初遷謫南臺再棄捐

才高無汲引數厄有屯遭流寓沿荒徼棲遲偏
冗員山城盈瘴癘海郡匝雲煙寢息防多恙行
吟苦未便湘纍愁澤畔康樂倦瀛壖履信曾非
慊貼危幸已全梁園歸倉卒蜀道去寅緣雅興
應難輟新詩定可憐銅梁輸險絕錦水奪清妍
岐路彌云阻音徽日眇然使車勞促遽郎署困
沉綿時俗知音少平生激賞偏素心乖報國生
事擬求田默默辭燕闕悠悠望劔川黃金遺駿
骨綠綺絕哀絃薄宦情殊倦病稍痊風塵
鳥篇何當解纓紱蕭灑共尋仙

恭讀嘉靖改元詔書十二韻

四海艱虞日孤臣慟絕時武皇遺後命興國兆
前知劔佩迎朱邸絲綸發玉墀訐謨關社稷惠
澤被惇嫠九廟垂玄貺三靈翼聖期飛龍同利
見鳴鳥佇來儀當代鴻圖永先朝泰運衰群兇
累帷幄萬姓苦瘡痍哲后膺神器宗臣備鼎司

惟新占舉措早辯慎安危魏闕心空切文園病
轉滋淹留吾不恨感激自成悲

寄劉士奇王允升戴宗道張時濟四同

年三十韻

性與諸君
同在此部

衰劣今如許飄零復在茲故人多契濶新歲獨
凄其棄置曾誰惜龍鍾亦自嗤端居衣倍冷徐
步杖仍遲日日驚腰帶星星歎鬢絲膏肓危二
豎營魄蠹三尸枕席祇勤卧尊罍輒懶持鶯花
憎麗景煙月負幽期夙昔游燕闕風流集鳳池

朝回青瑣闥宴坐白雲司覆奕邀王粲聽琴猓
戴逵季鷹元嗜酒公幹最能詩夜對金壺滿朝
褰錦帳垂琳琅光炤爛鴛鴦羽參差攜手彌年
歲銷魂各路岐神交猶未隔心賞遽難追諸彦
名逾振孤生世所遺軒裳辭上苑泉石占東菑
林下開蓬徑牆邊樹枳籬山窓盤薜荔水檻宿
鷓鴣放浪情難盡躋攀力已疲積疴真潦倒壯
志稍磷緇汲汲虛從事冥冥寧守雌蹉跎淪散
地馳騁後明時多病文園老無媒賈傅悲丹青

看漸遠滄海竟何之雅調懷鍾子高談阻惠施
青萍羞晚售紫燕苦長饑不啻傷遲暮那堪怨
別離茫然萬里外一札報相思

出行四圖爲何燕泉先生作

西域防胡日南宮動使星舊分雙赤管新佩一
青萍隴月傳兵候關雲結陣形千金收虎士萬
馬蹴龍庭方略隨封事文章待勒銘應嗤班定
遠頭白滯邊亭

右職方奉使

六省今名士三川古劇藩含香辭禁闥揚節下

部門王跡餘京洛戎風變陸渾疲人迎皂蓋小
吏擁朱軒列郡謳歌滿中朝錫予蕃仍聞詞賦
手文采擅梁園

右藩省旬宣

沙苑禁城隈天閑十二開欲脩群牧令還倚列
卿才照野雲千色填山錦萬堆鑄形珍漢剛市
膏笑燕臺大閱軍容壯橫行虜陣摧始知中國
富不假大宛來

右太卿考牧

明主憂荒服中丞按遠陞西臺分節鉞南極駐
旌旗包匭輸蕃使衣裳變島夷神留碧雞頌吏

譯白狼詩羊傳襄陽樂文翁蜀郡思知公同二
子遺愛向滇池

右都憲巡撫

送顧華玉邊廷實歸南都

邊顧文章伯聲名三十年價高雙白璧調逸兩
朱絃憶昨初傾蓋看君早著鞭龍門愁峻絕驥
尾慕寅緣中歲逢迎阻清宵夢想偏盍簪重見
白鳴玉並朝天置酒春壺滿題詩錦字連城隅
方由讌陌上忽離筵言送東南美真如李郭仙
望塵悲往路臨水惜祖川吳會浮雲外燕京落

日邊相思日延佇須枉濟江篇

送王舜夫水部之東魯官廨

曩昔詞林客偏多水部郎于今嗣風雅吾子歛
翱翔東郡分行省南風引去檣山城蟠海岬官
閣淨湖光宛似幽居好翛然燕坐涼定知題詠
富未覺簡書忙吏隱情都愜登臨興轉長新詩
如不惜細札莫相忘

送楊石齋

社稷功成後山林避寵年遭逢誰可並出處獨

超然反側當前日經綸邁昔賢殷憂興
聖主至治格皇天凶豎同摧朽蒼生盡解懸廟
謨隨指顧臣節見周旋智勇千夫敵勲勞百辟
先賞仍虛裂土名已重凌煙握璽慚周勃揮金
笑魯連急流嫌盛滿介石慕貞堅許國心恒切
還鄉興偶牽留侯初相漢樂毅晚辭燕
異渥絲綸數高風進退全草停黃閣詔花簇錦
江船水檻星橋側茅堂雪嶺邊雲霞深綠野卉
木富平泉事業存鍾鼎儀刑照簡編累朝瞻翊
戴四海憶陶甄白首歸休記青春送別筵衣冠
望行色端不異登仙

贈白貞夫

往日延陵郡曾聞白傅園林間三徑僻水上百
花繁北闕恩彌渥東山意獨存風流思二老文
雅見諸孫門閤今吳邑衣冠舊洛原傳經期取
相懷古寓名軒高卧方求志幽棲已避諠煙霞
常閉戶賓客暫開樽世業看前代賢聲在後昆
青雲殊不遠努力早飛翮

老功集卷六
丙申歲始見二毛賦詩紀之

行年五十近衰鬢二毛新稍異無聞者難同久
視人生將憂作對老與病爲隣浪覓藏舟壑徒
成汲井輪此身非汝有外物更誰親白首終何
益降心習淨因

夏日郊居偶書十韻

郭外漁樵徑丘中隱遁居閉門三伏日堆案數
百書俛仰歲過半登臨興有餘賞心吟不愜物
色畫難如高閣雲峰麗橫塘水鏡虛迴風搖綠
籜落景斂紅蕖滿眼多情在雙眉一笑舒壺觴
祇自酌魚鳥盡相於衰疾宜調護紛華更掃除
永辭朝市客高枕卧田廬

薛考功集卷第六

考功集卷六

古

薛考功集卷第七

考功郎中毫薛蕙君采著

七言律詩

卧病貽友人

漢代無才賦子虛病來空卧茂陵居終年只學
五禽戲早歲渾忘三篋書林下網蟲懸墮葉墻
頭蔓草落寒渠日日思君欲乘興濠梁何處好

觀魚

訪孫世其叙飲

死內銀河垂裊裊城邊暗月上微微不辭懷抱
今宵盡無奈賓朋此地稀萬里飄零同卧病三
年邂逅一沾衣燕山楚水遙相望目斷天涯鴻
鴈飛

王明叔同年夜集

映燭吟詩春霧生開簾窺雪夜寒輕花邊仙吏
雙鳧舄雲裏瀛洲五鳳城對酒已拚連夕醉相
思不柰隔年情官河南望水潭綠愁見蘭蕙送
客行

贈陳真人

汝侍先皇遊帝京今年七十道將成赤霄鸞鳳
朝南極白日蛟龍下太清丹洞紅泉流玉酒石
壇瑤草變金莖何因贈我飛仙藥便可相携海
上行

春雪懷孟望之

朝來酒畔看春雪忽憶故人春雪詩裊霧含風
不忍見吟詩對酒益相思山川冀北非吾土桃
李江南異昔時此日悲君已遲暮他鄉愁見更

支離

歸鴈

春日燕京鴈比飛高樓獨客一沾衣嗟予正阻
滄洲去念爾翻從江漢歸塞上風塵元自苦天
邊霜雪未全稀蹉跎剩笑浮生拙飄泊休憐羽
翼微

寒食對雨遣悶

一百五日春已深閉門風雨晝陰陰乍飛燕子
濕無那欲折桃花嬌不禁歸去又淹滄海思

來端擬白頭吟天涯厭見繁華節更遣蕭條斷
客心

雨中遊翠微山

亭午翠微山半路下看山底翠雲生客來佳擬
山中宿雨至何妨洞裏行隔竹泉聲初浙瀝傍
巖花樹轉分明題詩携酒兩殊絕翻怪風煙報
晚晴

秋日游都南水頭

秋來何處看秋水南苑飛泉玉不如擬弄潺湲

坐脩竹忽驚搖落對芙蓉謬持文墨慚華省久
別鄉園憶敝廬歲歲乞歸歸未得滄江空羨舊
樵漁

題張子醇西峯草堂

山人卜築城西郭日日西山爽氣來細雨濛濛
丹磴濕晴雲裊裊翠屏開堦前蔓草穿書閣石
上松林覆奕臺况有春湖可乘興他時須作泛
舟迴

贈繼之

長安城中不可留風塵日日使人愁上書解印
我將去拔劍出門君且休五岳登臨幾兩屐三
江來往一扁舟東西南北好行樂與爾相隨萬
里遊

孫氏沱西別業

巴陵西來沱水深水邊樓閣自陰陰鼉鼉夜出
洞庭岸虎豹晝啼雲夢林鼓柁乍逢漁父笑牽
舟時聽越人吟卜居何日從公去擬向桃花處
處尋

雨霽

西堂薄暮喧氣微雨霽清風飄我衣明月在戶
稍將出白雲向空猶自飛寄身世路有傾側抗
志神游無是非僊人胡乃不來下接手山芋同
子歸

寄邢伯輿

僊掖自通青瑣闥近臣多在紫薇垣苑中雲去
金莖出仗肉風來赤羽翻天上諫書藏太史人
間詩句見開元獨憐卧病秋江客愁對蓬蒿日

滿園

春日禁中即事

馳道春歸入建章九重花卉動年芳浮雲細細
生城闕晴雪霏霏濕苑墻內殿徐停紅羽仗御
屏高閉紫金床日長退食天門裏慚愧中朝駕
鷺行

李子中林懋易曹仲禮王稚欽夜過分

韻得涼字

拂簾移尊淨客堂朔雲燕月滿宮墻建章露濕

金莖凍太液波侵玉樹涼海內風流今下榻天
涯疾病舊沾裳攀歡自惜形容異留贈空慚翰
墨香

西湖

苑外西湖似若耶翠湍錦石象雲霞春深杜若
已滿徑日暖鳧鷖正在沙勝地欲令誰作主浮
生安得此爲家直須輕舸隨煙霧還仗新詩對
物華

道院看牡丹

四月紅芳尚滿枝僊家春色怪來遲彩雲自解
停歌扇香霧時能墮酒卮隔檻流鶯愁並語過
簾輕燕巧相窺無勞地主留堅坐貪爲名花醉
不歸

自西山歸經四湖遇雨

恰向山頭窺泛濫旋從湖畔望嗟峨雲輕不隔
翠微色雨細初增綠水波樹影離離巖際少鳥
聲噉噉霧中多未愁沾濕穿花去更擬青春載
酒過

送許伯誠侍御之江南

金門散吏著書成，烏府僊人攬轡行。
七國早時先報捷，三吳今日尚屯兵。
錦帆深駐芙蓉苑，紫蓋高懸虎豹營。
久擬功名望公等，願看風采慰蒼生。

送李子中

洞庭山前水滿湖，爾行乘舸向東吳。
宦遊兼不廢丘壑，燕坐真成在畫圖。
歷歷村墟縣橘柚，層層洲嶼散菰蒲。
即看秀色增江國，賸寄新詩入

帝都

睡起

午夢初醒卯酒消，不知風雪已終朝。
客來小閣聊盤礴，鳥散空園轉寂寥。
老境時時懷故宦，途事事愧漁樵。
古人堅卧非無意，未必淵明爲折腰。

河曲避暑

水曲樓臺多景地，坐中名勝列僊儒。
茂林脩竹非人世，清簾疎簾似畫圖。
素柰味甘宜凍醴，紅

藥香酷掩熏鑪祗言習氣渾消盡依舊呻吟據
槁梧

小園納涼簡子正侍御

晚夏歊蒸氣倍驕小園清曠暑全消玉壺日映
冰呈露紈扇風生月動搖窓下素床橫綠綺塔
前錦石覆紅蕉草堂事事堪娛客祗苦高人不
可招

對雨有懷

乍淡乍濃雲片片半疎半密雨絲絲林花落盡

漸成子巢燕飛來頻喃兒坐對空尊應笑客行
騎廐馬欲尋誰平生歡友俱南北此日傷心獨
詠詩

友人在過有作

久卧田廬慣閉關那期好事到林間風光坐惜
三春暮琴酌聊為一日閑青苔滿院偏宜坐紅
蓋盈條不忍攀莫怪夕陽催客起會邀明月伴
君還

人日

暉暉晴日透簾帷冉冉和風颺鬢絲野老自傾
田舍酒故人誰寄草堂詩即看梅柳春含早預
想鶯花景不遲旋鬻園蔬辦家釀剩拚醕酌艷
陽時

元夕郡中招觀燈不赴

遙聞郡閣夜張燈走馬來看病未能坐失繁華
春可惜轉添衰憊老堪憎風流那比高門客寂
寞翻如苦行僧欲寫詩篇酬節序短檠垂滅硯
生冰

西亭宗室送白牡丹一本走筆書此寄

謝

曾傍瓜田搆藥欄欲憑光景慰衰殘聊同楚客
憐芳草敢異梁園送牡丹老病只疑花解笑春
風預想雪成團攀援不減三珠樹報答真慚雙
玉盤

自賦常樂園一首

譙國城南稍又東一丘新買卧衰翁人非九品
羲皇上園似千花佛界中隱几自堪消永日褰

裳何待御冷風文章習氣今應盡着意題詩也
未工

孔汝錫得陝右少叅邸報臺中舊養一
鶴俄鳴舞而去汝錫感而賦詩因同作

一首

使君擁傳西征日孤鶴依依戀主鳴階下起爲
垂翅舞雲間去作斷腸聲幾年在沐乘軒寵五
里能忘返顧情潁水今朝應暫別緱山他日會
相迎

草堂

蕭蕭寒雨對高秋寂寂空牀擁敝裘歸去釣天
頻有夢挽回滄海獨無謀平生頗詫任公子末
路方思馬少游珍重故人招隱意草堂南郭可
淹留

辛卯春日作

滿榻塵埃兩鬢絲六年懶賦一篇詩非關多病
捐文字實恐無聞近死期何物乾坤能不朽此
生精力欲安施春來忽有揮毫興正是風花爛

燠時

病起偶作

肺氣新年何太頻
掩關風雨動經旬
春寒稍稍妨觴詠
人事紛紛可笑嗔
晚歲禪心了無住
平生龍性獨難馴
杜康未是忘憂物
細讀維摩究病因

清秋

清秋散髮倍逍遙
歲暮誰言不自聊
空服九華真飲露
靜聽萬籟似聞韶
風流祇合專丘壑
名

利端須遠市朝十載已無干
祗夢故人何事苦相招

木犀次萬侍御韻

木犀舊種開何晚
今歲初開擬細看
葉薄青瑤雲弄影
花明金粟露生寒
妙香聞處遙支策
小朶簪時屢拭冠
獨遶芳叢成百匝
西風忘却葛衣單

龍潭 在渦河西歐陽永叔有詩

龍潭日落鳥飛迴
坐拂扁舟下釣臺
尚父已無

西伯載狂奴翻使漢庭猜江湖萬里人空老字
宙千年鳳不來忽被漁翁笑相問棹歌何事亦
悲哀

雪霽

雪霽山房病骨清自移一榻卧南榮娟娟梅蕊
含春色漠漠松陰變午晴世路收身真穩在年
光觸眼可憐生短筇預向隣翁借伴我東風遶
郭行

早春南園作

眼看花鳥繁華日心醉煙霞錮疾人月下啼鳥
長達曙雨中垂柳不勝春應門僮僕能延客旁
舍漁樵競卜隣莫羨夔龍扶聖代總輸巢許得
天真

春陰

春陰日日春晴少料得春晴春已歸竹裏雄鳩
嗔獨語池邊乳燕喜羣飛炊煙冷落侵寒食簷
溜飄蕭上袂衣寂寂小軒賓客散祇餘禪榻不
相違

湘晴再次前韻

殘雨闌珊漸復稀，薄雲零落會須歸。
階前碧草穿泥出，葉底黃蜂伺日飛。
餘潤遲遲留寶篆，乍暄稍稍着羅衣。
風光點檢無多在，文酒追隨莫更違。

雨中客至

客病荒村饒寂寞，故人今雨忽過逢。
別來渴疾春增劇，坐久空厨午未春。
束濕焚枯真簡略，看雲聽竹稍從容。
慙更覓隣家酒，惆悵初聞野

寺鍾

海棠

醉倚雕闌倒玉壺，貪看錦樹色敷腴。
根株海外何年至，風韻花中絕代無。
西子浣紗低照影，文君酤酒正當壚。
少陵才調難摹寫，浪把燕脂汗畫圖。

病中對雨憶南園牡丹

賓客門前問疾迴，圖書案上亂成堆。
卧聞片雨空階滴，想見名花別墅開。
油幕縱然藏錦樹，畫

闌定自汗蒼苔東風好爲催春霽扶病還須載
酒來

南園觀牡丹時雨霽病亦適愈

朝來盟漱喜新晴忽憶看花遽出城病起好懷
還似昨雨餘春色可憐生露華濯濯含金粉雲
朶鱗鱗感絳英苦恨品題無妙語正緣佳麗若
爲評

牡丹送寺中供佛兼題短句

盥手熏香折好春羅巾淨拭寶餅塵一華聊復

添僧供半偈還同讚法輪宿世曾爲童子戲他
生應作比丘身若教靈運真成佛會現優曇證
本因

牡丹

紅紫紛紛次第稀故留國色殿春暉東皇巧思
應多少西子妖魂定是非香霧氤氳籠寶靨流
風宛轉弄仙衣白頭更覺鍾情劇忍訴清尊不
醉歸

寄劉希尹

吏部當年第一流何知謫宦遽歸休數遭唇吻
真銷骨久困風波竟覆舟夢裏不須驚寵辱胸
中那可着窮愁近聞東海多方士願與劉安物
色求

小飲芍藥下作

白髮逢春取醉頻多情倍復惜餘春綠尊故是
忘憂物紅藥渾如絕代人放曠山林真得意崇
高富貴不關身二豪度量非同調未用規規笑
爾偏

夏日南園

幽林長日少炎氛坐石臨流每日曛靡靡
翻爽吹泠泠脩竹度行雲樽中尤物唯思醉
後空名不擬聞宿昔燕京多酒伴白頭愁絕恨

離群

小圃雜蒔藥草偶成四律

昔年漢殿含香客此日譙城種藥翁已分長休
辭宦達只愁多病迫塗窮髮因青燭仍迴綠顏
為黃精一駐紅少緩營魂游岱岳定攀仙駕訪

崆峒

脩道那能飯一麻延年聊欲餌丹砂青繒齋去
尋三秀玉盃盛來服九華身寄人間長厭世夢
游天上已爲家會追姑射乘雲氣不用羲和駐
日車

百藥畦邊一草堂荷鋤抱甕送年光紅垂枸杞
枝枝滿綠裊萋萋蒲節節長雨霽雲芽偏動色風
來石藥故添香五符不識三天字更乞仙人劑
寄將

老來服散護殘年檢盡桐君第幾篇誤信朝霞
能却粒空聞冰玉解乘煙更生命薄丹砂耗叔
夜材凡石瀨堅自有仙鄉終不到莫同雞犬望
升天

瑩心亭觀荷花作

瑩心亭上逍遙客照眼池中爛熳花白苧單衣
銷暑日玉盤纖手送朝霞身閑但覺牽詩思年
老方知愛物華笑聽采蓮頻度曲驚看垂柳乍
栖鴉

病夫

平生心跡重相違再到長安再乞歸本以頑踈
難偶俗不緣憂患始忘機倦游但謂棲遲是小
隱焉知出處非海內故人多問訊病夫新製芟
荷衣

感懷

當年草奏尚書省咲罪閑居已白頭但使奸諛
破心膽寧辭老死向山丘董生不識平津閣李
廣那論校尉侯富貴區區非我事飯蔬飲水復

何求

懶慢

舊來懶慢耽黃老祇擬山林寄此生傲吏未甘
從薄宦愚公翻笑竊高名烏皮几上聞天籟瘦
木尊中遺世情莫謂棲遲空白首人間擾擾亦
何成

蘇侍御孔汝錫僉憲同觴小園薄暮值
雨驟作四韻奉呈二公

內臺兼約行臺使南郭相尋負郭翁行徑追隨

老五集卷七
雙蓋並草堂灑掃一樽同飲中僊侶逢蘇晉坐
上嘉賓接孔融正喜淹留乘暮雨莫辭顛倒醉
秋風

中秋對月作

可憐三五最佳月更愛風煙萬里晴金魄乘秋
偏皎鏡青霄入夜轉分明紛紛寶氣浮滄海隱
隱仙歌落玉京不惜綺裘侵露坐只愁銀漢向

西傾

薛考功集卷第七

